



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ
ՆԱԽԱԳԱՀԻ ՈՐՈՇՈՒՄ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԻ
ԱՌԱՋԻՆ ՏԵՂԱԿԱԼԻՆ ԿԱՐԳԱՊԱՀԱԿԱՆ ՎԱՐՈՒՅԹ ՀԱՐՈՒՑԵԼՈՒ
ԼԻԱԶՈՐՈՒԹՅՈՒՆ ՎԵՐԱՊԱՀԵԼՈՒ ՄԱՍԻՆ**

Հիմք ընդունելով «Փաստաբանության մասին» օրենքի 13-րդ հոդվածի 9-րդ մասի պահանջն առ այն, որ **փաստաբանների պալատի նախագահն իր լիազորություններն իրականացնելու համար կարող է նշանակել տեղակալներ՝ փաստաբանների կազմից,**

նկատի ունենալով այն, որ փաստաբանների կողմից սահմանված ժամկետում անդամավճար չմուծելու և սահմանված կարգով և ժամաքանակով վերապատրաստման դասընթացներին չմասնակցելու հիմքով, ինչպես նաև որոշ դեպքերում այլ հիմքերով և առիթներով (այդ թվում՝ զանգվածային լրատվամիջոցի հրապարակման առիթով) կարգապահական վարույթ հարուցելու (հարուցելը մերժելու) լիազորությունների իրականացումը նպատակահարմար է վերապահել Հայաստանի Հանրապետության փաստաբանների պալատի (**այսուհետ՝ Պալատ**) նախագահի առաջին տեղակալի իրավասությանը,

Ո Ր Ո Շ Ե Ց Ի՝

1. **Պալատի նախագահի առաջին տեղակալ էմիլ Ամիրխանյանին վերապահել՝**
 - փաստաբանի կողմից սահմանված ժամկետում անդամավճար չմուծելու հիմքով կարգապահական վարույթ հարուցելու լիազորությունը.
 - փաստաբանի կողմից սահմանված կարգով և ժամաքանակով վերապատրաստման դասընթացներին չմասնակցելու հիմքով կարգապահական վարույթ հարուցելու լիազորությունը.
 - Պալատի նախագահի կողմից իրեն մակագրված դիմումի (բողոքի) և/կամ զանգվածային լրատվամիջոցի հրապարակման հիման վրա կարգապահական վարույթ հարուցելու (հարուցելը մերժելու) լիազորությունը:
2. Սահմանել, որ սույն որոշումն ուժի մեջ է մտնում 2019 թվականի նոյեմբերի 21-ից (ներառյալ 21-ին) և գործում է մինչև 2021 թվականի հոկտեմբերի 4-ը ներառյալ:
3. Ուժը կորցրած ճանաչել Պալատի նախագահի 04.10.2017թ. թիվ 313-Ա որոշումը:
4. Հանձնարարել Պալատի աշխատակազմի ղեկավարին՝ ապահովել սույն որոշման հրապարակումը Պալատի կայքէջում:

Հայաստանի Հանրապետության
փաստաբանների պալատի նախագահ



Արա Զոհրաբյան

21 նոյեմբերի 2019թ.
թիվ 479-Ա
ք. Երևան